

خبرنگار محاکمه

۱۲۹۰

جمعه ایرتسی

نومرو	محرم	سنه	حزیران	سنه	مخبره
۸۸۰	۱۵	۱۳۱۴	۱۵	۱۳۱۲	۱۲۳۹۷

(اشبو غزته بهر هفته جمعه ایرتسی کونلری چیقار . سنه لکی درسعات ایچون مجیدیه یکریمی غروش)
 (حسابیله التمش غروشدر . طشره لر ایچون اون بش غروش پوسته اجرقتی ضم اولنور . بهر)
 (نسخه سی ینه مجیدیه یکریمی غروش اولوق اوزره یوزپاره یه هریرده صاتیلور . درج اولنه حق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظارتی)
 (دائره سنده کائن جریده محاکم اداره سنه مراجعت ایللیدر)

قسم رسمی

(فی ۱ محرم سنه ۳۱۴ وفی ۱ حزیران)
 (سنه ۳۱۲ تاریخیه بالجمله ولایات استیناف)
 (محکمه سی مدعی عمومیلرینه ومدعی عمومی)
 (بولنمیان محاکمه مدعی عمومی معاونلرینه یازیلان)
 (نحریرات عمومیه صورتیدر)

ترقیقاً کوندرلرلکه ایهده ضابطان مومی البهمک
 محکمه لرده نزمیه اقاماد اولنلری لازم کله جکمنک
 تعینیه حقنیده ایکنجی اردوی هایون مشیرتی وکالت
 جلیله سندن وقوعبولان اشعاره بناء مقام والای
 سرعسکریدن وارد اولان تذکره یه نظارتدن
 یازیلان جوابده قانوناً هیئات محاکم میان
 وحداسنده مأمورین حاکمه دن خارج کیمسه
 بولندیر یله میوب انحق لاجل المحاکمه اعزام اولنان
 افراد وضابطان عسکریه یه ترفیق اولنان مافوقی
 ضابطانک بیکباشی به قدر بیوک رتبه یی حائز
 اولدینی حالد قوس محکمه ده بولنان هیئت محکمه ده

ضابطان و افراد عسکریه دن بالایجاب محاکم
 نظامیه جلب ودعوت اولنانلر مافوقی بر ضابطه

قلمش و بیان اولان مافوق ضابطانك محكمه نك
صوك اعضاسنك آرقه جهتنده تعیین اولنه جق
محله اقامدی تنسیب اولنوب کیفیت ایجاب ایدلره
و مقام عالی سرعسکری به تبلیغ واشبو نحر برات
عمومیه نك نسخ مطبوعه کافیه سی لفا تسریب
ایدلش اولمقله مأموریتلری داخلنده بولنان
محاکمه بر منوال محرر ایضای معامله اولنسی
سیاقنده شقه ترقیم اولندی .

قسم غیر رسمی

معموره العزیز بدایت محكمه سندن ۱۷ نیسان
سنه ۳۱۰ تاریخی واون اتی عددی ایله صادر
اولان اعلامك تمیزی استیعا ایدن معموره العزیزك
ایجادیه محله سنده مقیم تجار دن مکنونیان کیغورق
اغا ایله مدعی علیه معموره العزیزك قشله محله سنده
مقیم متوفی صالح پاشا زاده حسن بك يوم معینده
دائرة کلدکارندن اصول محاکمه حقوقیه قانوننك

هیئت محكمه بی تعقیب ایدن مدعی عمومی و محكمه
و باشکاتنك اوطوردقلری محلك آرقه طرفنده
اقعادلری مناسب اوله بیله جکی و فقط مدعی
و مدعی علیه صفتیه محاکم نظامیه ده لاجل المحاکمه
جلب ایدیلان ضابطانك هر نه رتبه ده اولور ایسه
اولسون خصم لریله متساویاً محاکمه طرفینه
مخصوص محله بولندیراسی اقتضای شرعی و قانونی
اوله رق بوبابده دیگر صورتله معامله اولنه میه جفی
بسط و تمهید اولنسی اوزرینه قول اغاسی رتبه سنی
حائز اولنلرك بالایجاب محكمه ده دعوت اولندقلرنده
یانلرینه مافوق ترفیق لازم کلیه جکی مقدما تعمیماً
اردوی هایونلره تبلیغ اولنان مجلس عالی رؤسا
قراری ایجابندن اولوب شو حالده مافوق صفتیه
محكمه ده بیكباشی بولنه میه جغه نظراً بورتبه ده
بولنالره قوس محكمه ده بولنان هیئت حاکمه ك
آرقه طرفنده تخصیص اولنان محله مادیونی
ضابطانك اقعادلری شرف عسکرینك تزییدی
موجب اوله جفی جهتنه یوزباشی و مادیونی رتبه ده کی
ضابطانه ترفیق اولنه جقلرك هیئت حاکمه ك آرقه
طرفنده اقعادلری و مدعی و مدعی علیه صفتنده
بولنان ضابطان حققرنده قانون دائر سنده معامله
اولنسی طرف عالی سرعسکریدن وارد اولان
۱۵ کانون ثانی سنه ۳۱۱ تاریخی تذکره ده اشعار

ایکیوز یکر می طقوزنجی ماده سی موجبجه تدقیقات
تمیزی به اجر اسنه ابتدار اولندی .

اعلام مذکورك خلاصه مالی مزبور حسن
بكك عهدۀ تصرفنده بولنوب مرقوم کیغورق
طرفندن تجاوز اولنان معلوم المقدار عرصه دن
وقوعبولان مداخله نك منعی متضمن محكمه
مذکورده دن صادر اولان اعلامك اولجه اسباب
قانونیه دن طولانی تمیزاً نقض و اعاده اولنسی
اوزرینه بتکرار اجرا قلنان محاکمه و تدقیقات
نتیجه سنده مرقوم کیغورق طرفندن تجاوز
ایدلیدی تحقق ایدن درتیوز سکسان یدی یحق
آرشون عرصه شخص ثالث نظر نك صا تدینی
عرصه میاننده داخل اولدینی تبیین ایتمسینه و بر
دعوانك رؤیتی اثناسنده اکا متعلق بر دعوی
تحدث ایدر ایسه محكمه هر ایکسینه بر اعلامله
حكم اتمك مجبوریتنده بولندیقنه بناءً منازع فيه
عرصه نك قیمتی اوزرینه انشا اولنان ابنیه
قیمتندن دون اولدینی جهتنه مزبور حسن بكك
تجاوز ایدلش اولدینی ثابت اولان درتیوز سکسان
یدی یحق آرشون عرصه نك بهر آرشونی التیشر
غروشدن بالحساب بدلی اولان ایکی بیک طقوز
یوز یکر می بش غروشدك مرقوم کیغورق اغادن

بالتحصیل مزبور حسن بكك تسلیمینه و مرقوم
نظرت اغا آخرك ملاکنده تصرفله احرا ایتمسندن
متولد ضرر و زیانی فراغتنامه سنده کی تعهدی
موجبجه ضامن اولمق لازم کله جکندن آنف الذکر
مرقوم کیغورق اغادن تحصیلنه حکم اولنان مبالغ
مذکورده نك مرقوم نظرت اغادن تحصیلله
مدعی علیه کیغورق اغایه اعطاسنه حکمندن
و مستدعی تمیزك اشبو اعلام علیه نه لایحه سنده
محرر باشلوجه اعتراضی منازع فيه عرصه بی تحدید
حدود و بلا مساحه نظرت اغانام کسندن صا تون
الوب اکا رجوعه حق و صلاحیتی اولدینی اصولاً
اثبات ایله اول شخصك محكمه به جلب اولنسی
طلب اولدینی حالده محكمه مذکورده جه بورالری
سمع و اعتباره التمهید بر منوال محرر حکم اعطا
قلمسی مغایر قانون اولدیفندن بمثله اعلامك نقضی
استدعاسندن و مدعی علیه نتیجه جوابی دخی
اعتراضات واقعه نك واهی اولدینی بیانیله ردی
و موافق قانون اولان اعلامك تصدیقی طلبندن
عبارت بولنمشدر .

ایجابی مذاکره اولندقد تمیزی طلب اولنان
اعلام مذکورك نتیجه حکمی مزبور حسن بكك
تصرفنده اولدینی ثابت اولان منازع فيه اراضینك

قیمتی اولان مبالغ معلومه نك مرقوم کیفورقدن تحصیلنه و دعوی واقعه ده شخص ثالث صقیله داخل اولان نظرت اغا آخرک ملکنده تصرفله امر ایتمسندن طولانی وقوعولان ضرر روزیانی تعهدی موجبینجه ضامن اولدیفنه بنسأ مرقوم کیفورق اغادن تحصیلنه حکم اولنان مبالغ مذکور نك شخص ثالث مرقوم نظرت اغادن انهرق مرقوم کیفورقه اعطاسنه حکمدن عبارت اولسنه نظراً حکم مذکور اسباب موجبیه مستند و اصول و قانونه موافق اولوب مستدعی تمیزک بالاده محرر اعتراضیه اعتراضات سائرهمی نقض حکمی موجب کوریه ملکنده بنسأ اعتراضات مباحوث عنهانك ردیله اعلام مذکورک تصدیقه وزیرده مفرداتی مرقم یوزقرق ایکی یحق غروش مصارف محاکمه نك مستدعی تمیزه عائد اولق اوزره اول امرده مدعی علیهدن استیفا سنه ۱۵ مایس سنه ۳۱۱ تاریخنده منقفاً قرار ویرلدی .

قره سی بدایت محکمه سنندن ۳ قشربن ثانی

سنه ۳۰۸ تاریخخی ویتش الی عددی ایله ویریلان اعلامك تمیزی نی استدعا ییدن بالیکسری قصبه سنك قصابل محلله سنده مقیم محضر حسین اغا اوغلی محمد لطیف اغایله مدعی علیها محله مذکورده ساکنه متوفی عبدالحلیم اغا زوجه سی فاطمه خاتون تعیین اولنان کونده دائره یه کلدکلرندن اصول محاکمه حقوقیه قانوننك ایکوز یکر می طقوزنجی ماده سنه نوبقاً تدقیقات تمیزی به اجراسنه ابتدا وقلندی .

اعلام مذکورک خلاصه مالی مزبوره فاطمه خاتون زوجی متوفی عبدالحلیم اغا نك مالی ایکن اجرا دائره سی معرفتیه مرقوم لطیف اغایه بیع ایدلمش اولان بالیکسری قصبه سنده کائن معلوم الحدود بر باب خانه ده زوجی مزبور دن شراء حصه سی اولدیفنی حالد مرقوم لطیف اغا طرفندن مداخله اولمقده اولدیفندن بختله وقوعولان مداخله سنك منعی طلب و دعوی ایتمی و عندالحاکمه مرقوم لطیف اغا دخی منازع فیله خانه بی مع مشتملات اجرا دائره سی طرفندن بالمزاید اشترا ایتش اولدیفنی مدافعه بیان ایتش ایسه ده منازع فیله خانه نك حصه معینه سی زوجی متوفای مرقوم جانبندن ثمن معلوم مقابلنده مدعیه مزبوره یه بیع ایدلمش اولدیفنی اولبابده استماع

قلنان شهودك شهادتیه ثابت اولدیفندن مدعی علیه مرقومك ذکر اولنان خانه ده مزبوره نك متصرفه اولدیفنی حصه معینه سی منع مداخله سنه حکمدن و مستدعی تمیزک اشبو حکم علیهنده لایحه سنده محرر باشلوجه اعتراضی دعوی واقعه عقاره متعلق اولدیفنی حالد ذی الیدلکک بالینه اثبات استدیرلما سی مفار قانون اولدیفندن بختله اعلامك قضی استدعاسندن و مدعی علیها نك لایحه جوابیه سی مالی دخی حکم مذکور موافق اصول و قانون اولدیفنی و اعتراض واقع واهی ایدوکی بیانیه ردی و اعلامك تصدیقی طلبندن عبارت بولمشدیر .

ایجابی مذاکره اولمقده اعلام مذکور مآلندن اکلشلدیفنی اوزره ذات دعوی منازع فیله خانه یه استحقاق ادعاسندن عبارت اولسنه کوره اموال غیر منقوله فروختی حقنده کی نظامنامه نك اون اوچنجی ماده سی موجبینجه مدعیه مزبوره نك صوک قرار داده دن اول خانه مذکور ی بالاستحقاق دعوی ایتماسی عذر شرعی یه مبتنی اولق اقتضا ایده جکندن اول امرده دعوی واقعه ده حل اولنه جق مسئله قرار داده دن اول اقامه دعوی اولناماسی عذر شرعی به مستند اولوب اولدیفنی

قضیه سی اولوب بوراسنك تدقیقندن صکره تبیین ایده جک حاله کوره حکم اولمق لازم کلور ایکن محکمه مذکورده به یولده اجرای تدقیقات اولدیفنه دائر اعلام مذکورده برکونه صراحت کورلما سی مفار قانون اولدیفندن اصول محاکمه حقوقیه قانوننك ایکوز قرق برنجی ماده سی موجبینجه اعلام مذکورک نقضیه قانون مزبورک ایکوز قرق دردننجی ماده سنه نوبقاً کیفیتک بالرؤیه اعلامه ربطی ضمنتده محکمه مذکورده اعاده سنه وزیرده مفرداتی مرقم درتیوز یکر می درت یحق غروش مصارف محاکمه نك ایلروده حقسز چیمه جق طرفه عائد اولق اوزره اول امرده مستدعیدن النسنه ۲۲ کانون اول سنه ۳۰۹ تاریخنده منقفاً قرار ویرلدی .

بکشری بدایت محکمه سنندن ۱۳ شباط سنه ۳۰۹ تاریخخی واون درت عددی ایله ویریلان اعلامك تمیزی نی استدعا ییدن بکشرده مقیم صرافیم اوغلی میخائل وکیلی یواناکی افندی یوم

معینه دائره به کتس ایسه ده مدعی علیه بکشهرده
مقیم بدوس اوغلی نیقوله افندی کلدیکندن یالکز
وکیل مومی الیهک ایضاحات شفاهی سیله باش
مدعی عمومی معاونلرندن سعادتلو بورغاکی
افدینک مطالعه سی استماع قلندقدن صکره تدقیقات
تمیزیه اجراسنه ابتدار اولندی .

اعلام مذکورک خلاصه مالی مزبور نیقوله
افندی مرقوم میخائل ذمتنده امره محرر برقطعه
سند موجبیه مطلوبی اولان قرق عدد ایرای
عثمانیک تحصیلنی طلب و دعوی ایتیمسینه قارشو
مزبور میخائل دخی برادری متوفی قسطنطی
افدینک مدعی مزبور نیقوله ایله برادری متوفی
یواناکی ذمتنده بادفتر مطلوبی اولدیفندن
محاسبه سنک رؤیتنی مدافعه طلب ایتیمس ایسه ده
اولبایده جریان ایدن محاکمه و تدقیقات نتیجه سنده
ذکر اولنان سند مندرجاتنده مدعی علیهک
برادرلرینک محاسبه لرینه دائر برکونه قید
وصراحت اولدیفندن محله نک بیک التیوزاونجی
ماده سی موجبیه مدعابه قرق عدد ایرانک مع
فائض مرقوم میخائلدن تحصیلنه حکمدن و مستدعی
تمیز و کیلی یواناکی افدینک اشبو اعلام علیه نه
لایحه سننده محرر باشلوجه اعتراضاتی طرفین

تجارندن و مستند ادعا اولنان سند دخی امره محرر
اولدینی جهته دعوی واقع نک تجارت محکمه سی
صفقیله رؤیت و فصلی لازم کلورایکن حقوق عادیه
صفقیله رؤیت دعوی اولنمی مقایر قانون
اولدیفندن بحتله اعلامک قضی استداسندن
و مدعی علیهک لایحه سننده محرر نتیجه جوابی
اعتراض مذکورک غیر وارد اولدینی بیانیله
موافق قانون اولان اعلامک تصدیقی طلبندن
و معاون مومی الیهک مطالعه سی دخی دعوی واقع
طرفینک معاملات تجاریه لرندن متولد اولدینی
حالده درجه اولی محکمه سی تجارت هیئتنده بالتشکل
رؤیت دعوی ایتماش اولمسنه مبنی وظیفه
حقنده کی اعتراضاتک موافق قانون اولدینی
بیانندن عبارت بولمشد .

ایجابی مذاکره اولندقدن اعلام مذکور
مالندن اکلشلدینی اوزره دعوی واقع هر تقدیر
فائض مقاوله سنی شامل و امره محرر برقطعه
سنددن متولد ایسه ده طرفین صنف تجاریه دن
اولوب دعوی مذکورک دخی معاملات
تجاریه دن تحت ایلدیکی اعلام مذکورده مندرج
پلانچو قیدندن اکلشلمسی جهته دعوی
مذکورک تجارت صفقیله فصل و جسمی مقتضی

محله مذکورده مقیم کرکس اوغلی بانیقه
و کورت اوغلی دیمید و قره قاق نام محله مقیم
مصطفی و محمد اوغللری علی و حسین بوم معینه
دائره به کلدیکندن اصول محاکمه حقوقیه قانوننک
ایکیوز یکریمی طقوزنجی ماده سی موجبیه تدقیقات
تمیزیه اجراسنه ابتدار اولندی .

اعلام مذکورک خلاصه مالی مرقوم دیمید
ورفقاسنک قولاق حدودی داخلنده کائن اولوب
کندی ترلارینک سقینه مخصوص اولان
ومن القیم مزبور لازارینک خانه سی اوکندن
جریان ایدن صویک مجراسنی مرقوم لازارینک
قطع ایله جریانی منع ایدرک اراضیلرینه کلی
ضرر ایرات ایتیمس اولدیفندن بحتله مداخله
واقع سنک منعیله ضرر و زیانلرینک تضمینی طلب
و دعوی و بونی مؤید برقطعه شهادتنامه اعطا
ایتیمرینه قارشو مدعی علیه لازاری دخی مذکور
صو مجراسنی قدیم اولیوب بش التی سنه دنبرو
کندی خانه سنک اوکندن جریان ایتیمکده ایسه ده
خانه سنه ضرر فاحشی موجب اولوق حسیله
مجراسنی قطع ایتدیکنی مدافعه بیان و انبا
ایلمسی اوزرینه اولبایده اجرا قلنان محاکمه
و تدقیقات نتیجه سننده مدعی علیه حاجی لازاری

ایکن خلافی وظیفه اوله رق حقوق عادیه صفقیله
رؤیت اولنمی مخالف قانون اولدیفنه و مستدعینک
اعتراضی دخی بوجهته متدائر اوله رق شایان قبول
اولدینی کی معاون مومی الیهک مطالعه سی دخی
موافق نفس الامر بولندیفنه بناء اصول محاکمه
حقوقیه قانوننک ایکیوز اوتوز ایکنجی ماده سی
موجبیه اعلام مذکورک نقضیه کیفیتک بوجه
مشروح بالرؤیه اعلامه ربطی ضمتنده محکمه
مذکوریه اعاده سنه و زبرده مفرداتی مرقم درت
یوز یکریمی درت بحق غروش مصارف تمیزیه نک
ایلروده حقسز چیه حق طرفه رجوع ایتیمک اوزره
اول امرده مستدعیدن التمسینه ۹ حزيران
سنه ۳۱۱ تاریخنده متفقاً قرار و بریلرک
تقییم قلندی .

جانیک بدایت محکمه سنندن ۹ شباط سنه ۳۰۹
تاریخی و یوز قرق التی عددی ایله و بریلان اعلامک
تمیزینی صامسونه تابع بویلان اویماعنک قولاق
محله سنده ساکن حاجی لازاری ایله تمیز علیه

مدعیان را بانیقه و یرمش اولدینی سندده منازع
 فیه اولان صویک قدیم خانہ سی ارقہ سندن جریان
 ایتدیکنی اقرار ایلمش و مذکور صویک مدعا علیه
 جانبندن ادعا اولتان ضرری فاحش درجه سنده
 اولیوب قدیمک ایسه قدیمی اوزره ترک اولنمی
 قواعد کلیه دن بولنمش اولسنه منی مرقوم لازارک
 مداخله واقع سنک منعه حکمدن و اشبو حکم
 علیه مندی تمیز لازارینک لایحه سنده محرر
 باشلوجه اعتراضی بومثللو دعاویده کشفه احتیاج
 درکار بولنمش و کشف اجرایی کنندوسی دخی
 طلب ایتمش ایکن محکمه جه بوطلبنه حواله سمع
 اعتبار اولنامسی و مذکور صویه الی سنه دنیرو
 اقمده اولدینی جهنله قدیم اولدینی و قدیم اولسه
 بیله مجله احکامنه خرق قدیم اولیه جنی بدیی
 اولدینی حالد محکمه جه بورالینه دقت اولنامسی
 مخالف قانون اولدینندن بختله اعلامک نقضی
 و مدعی علیه مک لایحه سنده محرر نتیجه جوابلری
 دخی موافق قانون اولان اعلامک تصدیق
 طلبندن عبارتدر .

ایجابی لدی المذاکره اعلام مذکورک نتیجه
 مالی مرقوم دیمید و رفقا سنک ترالارینک سقینه
 مخصوص اولوب مزبور لازارینک خانہ سی

جوارندن کچمکده اولان صویک محل مزبور
 جریان قدیم اولدینی ثابت اولسنه بناء مزبور
 لازارینک مذکور صویه و قوعبولان مداخله سنک
 منعه حکمدن عبارت اولسنه کوره حکم مذکور
 اسباب موجبیه مستند و اصول و قانونه موافق
 اولوب درمیان اولتان اعتراضات نقض حکمی
 موجب کوریه مدیکندن اعتراضات مبعوث عنهانک
 ردیه اصول محاکمه حقوقیه قانوننک ایکوز اونوز
 برنجی ماده سی موجبیه اعلام مذکورک تصدیق
 وزیرده مقرر داتی مرقم یوز قرق اوچ غروش
 مصارف محاکمه نک مستدعی به رجوع ایتمک اوزره
 اول امرده مدعی علیه مندن اخذینه ۱۱ مارت
 سنه ۳۱۱ تاریخنده متفقاً قرار ویرلدی .

بیروت تجارت محکمه سندن ۱۲ تموز سنه ۳۱۰

تاریخی و قرق طقوز عددی ایله ویریلان اعلامک
 تمیزی استعدایدن دیون عمومیه اداره سی وکیلی
 عیسیان افندی کلوب مدعی علیه بیرونده مقیم
 تجارت حاجی محمود افندی جال کلامش اولدینندن

وکیل مومی الیهک ایضاحات شفاهی سیله باش
 مدعی عمومی معاونلرندن سمادتلو یورغاکی
 افندینک مطالعه سی استماع قلنهرق تدقیقات تمیزی
 اجراسنه ابتدار اولندی .

اعلام مذکورک خلاصه مالی مومی الیه حاجی
 محمود افندی جال ۳۰ کانون ثانی سنه ۰۰ تاریخنده
 ترسته یه ارسال ایلدیکی بدی دنکده یوز اونوز
 الی قیه توتونک ترسته یه وصولیه اوراده
 صرفیات رسمی ویرلدیکی و یاخود داخل
 مالکده صرف استهلاك ابدلک اوزره فایزیه
 و اصنافه تسلیم اولندیقی و یا ترانسیب صورتیه
 بحرآ دیگر اجنبی مملکتنه کوندردیکیکی و یا
 رژی به تسلیم اولنق اوزره کمرک انبارینه وضع
 ایلدیکی مین برسنه ظرفنده برقطعه شهادتنامه
 جلب و ابرازینی و شاید ایضاحات مطلوبه بی شامل
 اولان شهادتنامه بی کتوره مدیکی تقدیرده دخان
 نظامنامه سنک اونوز ایکنجی ماده سی موجبیه
 مذکور توتونک اک یوکسک صرفیات رسملرینک
 تأدیه سی تمهد ایتمش اولدینی حالد جلب و ابراز
 ایلدیکی شهادتنامه ده ۱۸ مارت سنه ۱۸۷۹
 تاریخنده ترسته یه بدی دنکده یوز قرق درت قیه
 یوزیکرمی درهم توتون و ورود ایدوب درت دنکی

دیپوزیتو صورتیه کمرک انبارینه وضع ایلدش
 و التمش اوچ قیه یتش ایکی درهم مقدار دیگر اوچ
 دنکی ترانسیب صورتیه بشته یه کوندردیکی محرر
 بولنمش ایسه ده و قوعبولان استفسار اوزرینه
 درسمادت دیون عمومیه عثمانیه اداره عمومیه سندن
 تسطیر قلنسان تحریرات موجبیه دیپوزیتو
 طریقله کمرک انبارینه وضع ایلدش اولان
 سالف الذکر درت دنکده یتش ایکی قیه اوچ یوز
 یکرمی سکزدرهم توتون ایچون بر موجب نظام
 کمرک رسمی الندیقی و یاخود ترانسیب صورتیه
 اصرار ایلدیکنی مشمر دیگر برقطعه شهادتنامه
 جلب ایلمسی حقنده مومی الیه حاجی محمود
 افندی به و قوعبولان تکلیفی اجرا ایتمش
 اولدینندن بختله دخان نظامنامه سنک اونوز برنجی
 و اونوز ایکنجی ماده لری موجبیه مذکور
 درت دنکده یتش ایکی قیه اوچ یوز یکرمی سکز
 درهم توتونک ترسته ده رسم کمرکی الندیقه
 یاخود ترانسیب ایلدیکنی دابر بشقه جه برشها
 دتنامه جلب ایتدیرلمسینک یاخود ضروریه
 و صرفیات رسمی اولان ایکی بیک درتیوز اوچ
 غروشک مع فائض تأدیه سنه مجبور طوتلمسینک
 تحت حکمه التمسی بیروت دیون عمومیه مدیری
 طرفندن طلب و دعوی اولسنه فارشو مدعی علیه

مومی الیهک مطالعه سی دخی دعواوی وقعه کمرک
رسومنه متدائر اوله رق معاملات تجاریه دن منبعث
اولدیفنه مبنی محکمه تجاریه رؤیتی وظیفه خارچنده
بولدیفنی بیانندن عبارت بولمشد.

ایجابی مذاکره اولدوقده اعلام مذکور
مأئدن اکلاشدیفنی اوزره دعواوی واقعه کمرک
رسمنک تحصیلنه دائر اولوب بومثلو دعاوی نیک
رؤیتی شورای دولت قراری موجبجه محاکم
حقوقیه عائد بولمش ایکن بیروت تجارت
محکمه سنجه خارج ازوظیفه دعواوی واقعه نیک
رؤیت وحکم اولمشی یولسر و مفایر قانون
اولدیفندن اصول محاکمه حقوقیه قانوننک ایکوز
قرق برنجی ماده سی موجبجه اعلامک تفصیله
قانون مذکورک ایکوز قرق اوچنجی ماده سی
حکمنه توفیقاً کیفیتک عائد اولدیفنی حقوق
محکمه سنه حواله سنه وزیرده مفرداتی مرقم اوچ
یوز الی درت بحق غروش مصارف محاکمه نیک
ایلروده حقسز چیه حق طرفه رجوع ایتمک
اوزره اول امرده دیون عمومیه اداره سندن
المنه ۱۹ تموز سنه ۳۱۱ تاریخنده متفقاً قرار
یریلهرک تفهیم قلندی.

حاجی محمود افندی مذکور المقدار توتون ایچون
لازم کلان شهادتنامه بی مدت معینه سی ظرفنده
جلب ورسومات اداره سنه تسلیم الیه تعهدیفنی ایفا
ایلدیفنی مدافعه درمیان و برقطعه علم وخبر
ابراز واعطا ایتمی اوزرینه اولبابده اجرا قلنان
محاکمات وتدقیقات نتیجه سنده مبرز علم وخبر
موجبجه تاجر مرقوم طرفندن ابراز ایدیلوب
مضمونی اداره مذکوره جانندن تصدیق قلنان
برقطعه علم وخبر موجبجه مطلوب اولان شهادتنامه
جلب واعطا ایدلیکی تحقق ایتدیکنه بناء دعواوی
واقعه نیک ردینه حکمدن واشبو حکم علیهنده
مستدعی اداره مذکوره وکیلی عییکان افندی نیک
باشلوجه اعتراضی تاجر مرقوم وکیلی اسمد
افندی الحورینک وکالتک اعلام مذکورده بیان
وتصریح ایدلامسی و محاکمه نیک ختامندن صکره
اوراق دعوانک مدعی عمومی به کوندرلمسی ومبرز
علم وخبرک تصدیق ایدلمسک اقراره حل ایدلمسی
مقایر اصول وقانون اولدیفندن بمثلله اعلامک
نقضی استداسندن ومدعی علیه حاجی محمود
افندی نیک لایحه سنده محرر نتیجه جوابی حکم واقع
اصول وقانونه موافق اولوب اعتراضات مسرو -
ده نیک واهی و بی اساس اولدیفنی بیانیه ردی
واعلام مذکورک تصدیق طلبندن ومعاون

محکمه استیناف حقوق قسمندن ؛ تشرین اول
سنه ۳۱۱ تاریخی و یوز طقسان بش عددی الیه
ویریلان اعلامک تمیزیفنی استدعا ایدن ایوب
سلطاننده یوسف خواجه چفتلکندن ساکن
خلیل ابراهیم اغایله مدعی علیه وانی کوینده مقیم
احمد بک یوم معینه دائره کلمری اوزرینه
ایضاحات شفاهی لری استماع قلندقدن صکره تدقیقات
تمیزیه اجرا سنه ابتدار اولندی.

اعلام مذکورک خلاصه مالی مومی الیه
احمد بکک باسند خاقانی عهدده تصرفنده اولوب
مقدیمه شریکی بولشان شوکت بک طرفندن
برقطعه مقاله نامه موجبجه مرقوم خلیل ابراهیم
اغایه ایجار ایدلمش اولان ایوبده واقع شفا حوض
چفتلککنک تخلیه سی و اوچ یوز طقوز سنه سی اوزوم
محصولندن سنده مربوط اولان یکرمی لیرا الیه
اولبابده کی بدل ایجارک تحصیلنی درسمادت بدایت
محکمه سی برنجی حقوق دائره سنده طلب ودعوی
ایتمنه قارشو عندالحا که مدعی علیه مرقوم خلیل
ابراهیم اغا دخی فی الحقیقه کندوسی مذکور
چفتلککی اوچ یوز طقوز سنه سندن اعتباراً ایکی سنه
مدت و برنجی سنه سی اوتوز و ایکنجی سنه سی
اوتوز بش لیرا اجرته شوکت بکدن استیجار

ایدرك کندوسنه قارشو عاقد شوکت بک بولمقله
مومی الیه احمد بکدن خصومت توجه ایتیه جکفی
مدافعه انبا ایلوسی اوزرینه جریان ایدن محاکمات
وتدقیقات نتیجه سنده منازع فیه چفتلک ایکی سنه
مدتله شوکت بک طرفندن ایجار اولدیفنی
اولبابده کی مقاله نامه مندرجاتندن اکلاشمقدده
ایسده مومی الیه شوکت بک اولوقت مذکور
چفتلکک نصفه متصرف اوله رق اخیراً عقد
مذکورده نصف دیگری متصرفی اولان مدعی
احمد بک دخی اجازت ویرهرک عقد ایجار بالوکاله
وقوعبولش واولصورتله کسب نفاذ ایدلیکندن
ومومی الیه شوکت بک دخی متصرف اولدیفنی
نصف حصه چفتلککی مومی الیه احمد بکه فروخت
ایتمش اولدیفنی و بویکی اجاره نیک دوامی صروده
موجر الیه مشتری بیننده وقوعبولان بیعت
مستأجری اذنه موقوفاً منعقد اولوب انحق ختام
مدت اجاره ده مستأجر حقنده ده نافذ اوله جنی
درکار و بناء علیه مذکور مقاله نامه مدتنک دخی
اوچ یوز اون سنه سی شباطی نهایتنده ختام بولمش
اولمسیله مذکور چفتلکک تخلیه سی طلب ودعوایه
مدعی مومی الیه احمد بکک حتی اولدیفنه بناء
منازع فیه اولان چفتلکک مدعی علیه خلیل
ابراهیم اغایه تخلیه ابتدیر یلهرک مدعی احمد بکه

بیانیه ردی و موافق اصول و قانون اولان اعلامك
تصدیق طلبیدن عبارت بولمشد.

ایجابی مذاکره اولند قده اعلام مذکور
مطالعہ سندن منقہم اولدینی اوزره مومی الیه
احمد بک برقطعه سند خاقانی موجبہ متصرف
اولدینی شفا حوضی نام چفتلک مک مقلولہ مدینک
انقضاسہ بناء تخایہ سنہ و مقبجہ اعلامہ مربوط
اولان یکر می لیرا ادعاسنک ردینہ دائرہ سعادت
بدایت محکمہ سی برنجی حقوق دائرہ سندن و یریلان
اعلامك عندالاستیناف تصدیقہ حکمدن عبارت
اولسنہ نظراً حکم مذکور اسباب موجبہ
مسئند اولہرق اصول و قانونہ موافق بولندیقہ
و مستدعی ابراہیم افانک تمیزاً سرد ایلدیکی
اعتراضاتیلہ اعتراضات سائرہ سی بالتدقیق نقض
حکمی موجب کوریلہ مدیکنہ بناء ردیلہ اعلام
مذکورک تصدیقہ و زیرده مفرداتی مرقم یوز
اللی اوچ یحق غروش مصارف تمیزینک مستدعی
مرقومہ رجوع اتمک اوزره اول امرده مدعی علیہ
احمد بکدن التمسہ ۲۵ کانون اول سنہ ۳۱۱ تاریخندہ
متفقاً قرار و یریلہ رک تفہیم قلندی.

تسلیمہ و بدل اجارہ کلنجہ بوندن یکر می لیراسی
ذاتاً حکم و اعلامہ ربط اولمش اولقلہ بونک
بداية بتکرار رؤیتی مخالف قانون اولدیفندن
اوچ یوز اون سنہ سی بدل ایجاری حقندہ آروجه
طلب و دعوی وقوعندہ ایجابہ باقلمق اوزره
مدعینک مذکور یکر می لیرانک یکیدن حکم
و اعلامہ ربطی حقندہ اولان طلبنک ردینہ دائر
و یریلان قرارک عندالاستیناف تصدیقہ حکمدن
و مستدعی تمیز خلیل ابراہیم افانک اشبو حکم
علیہندہ کی اعتراضاتنک خلاصہ سی دعوی واقعه
عین اولسی جہتلہ اول امرده توجہ خصوصت
ضمنندہ ذی الیدلک مسئلہ سنک بالینہ اثبات
ابتدیرلماسی و مدعی احمد بک اولاً اشتراک
و ثانیاً استقلال دعواسی اقامہ اتمسی و بوندہ ایسہ
تناقص کورلسی اوزرینہ کرک بدایہ و کرک
استیناف محکمہ لرنجہ بورالرنہ تعرض اولنماسی
و منازع فیہ چفتلک حیدر بک نامندہ بر ذاتک
اولوب کندوسنہ امانت اولہرق بر اقلمش
و دروندہ اراضی موقوفہ بولنسی جہتلہ برکسنہ
طرفندن اشترا ایدلماش ایکن بغیر حق مدعی
احمد بک اقامہ اتمش اولدینی تخلیہ دعواسنک
استماعیلہ کندوسنک محکوم ایدلسی بولمز و مفایر
قانون اولدیفندن بختلہ اعلامك نقضی و مدعی علیہ
احمد بک بوکا قارشو نتیجہ اجوبہ سی ایسہ
اعتراضات مسروودہ نک واهی و بی اساس اولدینی

اعلان

محکمہ استیناف حقوق قسمندن ۹۹ حزیران
سنہ ۳۱۱ تاریخی و تمش طقوز عددی ایلہ و یریلان
اعلامك تمیزینی استدعایدن قبان دقیق جوارندہ
ساکن معونہ جی اصنافندن محمد هدایت اغا و کیلی
حسن تحسین افندی یوم معیندہ دائرہ کلش
ایسده مدعی علیہ عرب جامع شربی جوارندہ
مقیم یاغ قبانی معونہ جی اصنافی کتخداسی حاجی
مصطفی افندی کلدیکندن بالکیز و کیل مومی
الیهک ایضاحات شفاهیہ سیلہ باش مدعی عمومی
معاونلرندن ابراہیم بک مطالعہ سی استماع
قلندقدن صکرہ تدقیقات تمیزیه اجراسنہ
ابتدار اولندی.

اعلام مذکورک خلاصہ مآلی مذکور
قبان دقیق عموم معونہ جی اصنافندن سفان
تجاریہ یہ نقل ایدلمکده اولان حفزیه و قوعبولان
مداخلہ لرنک منعه دائرہ عن الغیاب درسعادت
بدایت محکمہ سی ایکنجی حقوق دائرہ سندن صادر
اولان اعلام علیہنہ اصناف مرقومہ دن محمد هدایت
اغا طرفندن اعتراض علی الحکم استدعاسی اعطا

مابعدی وار

فی ۸ حزیران سنہ ۳۱۲

متوفى علیکسان ماناس افنديک وارثلری
ادغار و اورانيهك $\frac{30}{11}$ نومروسيله مقيد اعلام
موجبجه سعادتلو ماناس آندون افندی ذمتنده
محکوم به الاجقلى اولان معلوم المقدار مبالغك
تأمين استيفاسی ضمننده مديون مومى اليهك
طرايه قريه وجاده سنده ايكوز طقسان درت
نومرولى ساحلخانه عرصه سيله اوکنده واقع
ريختم محلنده متصرف اولدینی بر ربع حصه
شايه سی بك اوغلى بدایت محکمه سی ریاست اولیسی
جانبندن اعطا بیوریلان قراره توفیقاً تحت حظه
الهرق لدی المزايدة يکرمی بيک غروش التون
بدل ايله طالبي عهده سنده تقرر ایتیش اولدیفندن
تاریخ اعلانندن اعتباراً اوتوز بر کون ظرفنده
یوزده بش ضمیله طالب اوللرک بك اوغلى بدایت
محکمه سی اجرا مأموریتی جانبینه مراجعت ایتیلری
اعلان اولتور .

فی ۱۱ حزیران سنه ۳۱۲

فی ۱۳ حزیران سنه ۳۱۲

اویانیه و اولقانك قوزمه ذمتنده بااعلام
الاجقلى بولنان مبالغك تأمين استيفاسی ضمننده
تحت حظه النان پدری لفر ولد مینادن ارتا انتقال
ایده جك اسکدارده مراد رئیس محله سنك یکی
محله جاده سنده يکرمی سکز و مکرر يکرمی سکز
نومرولى ایکی باب دکانك بزیر روغنخانه سی
کدکنك نصف حصه سندن اوج حصه اعتبار یله
بر حصه سنك و محل مذکورده صولاق سنان
محله سنك سلامی علی افندی جاده سنده یوز اون
نومرولى بر قطعه یاغخانه عرصه سنك مع ملک بزیر
خانه کدکنك نصف حصه سی ینه اوج حصه
اعتبار یله بر حصه سی تاریخ اعلانندن اعتباراً اون
بش کون صکره بالمزایده فروخته مبادرت
اولنه جنى اسکدار اجرا دائره سندن اعلان
اولتور .

فی ۱۳ حزیران سنه ۳۱۲

قایینه قادینك فاطمه وعایشه مدیده خانلر
ذمتلرنده بااعلام محکوم به الاجنى اولان معلوم -
المقدار مبالغك استيفاسی ضمننده امین جامعشر یقی
محله سنده مولویخانه جاده سنده اون طقوز نومرولى
خانه ده درت حصه اعتبار یله متصرفه اولدقلى
ایکی حصه شایه لری داینه مزبوردهك استدعاسنه
بناء بك اوغلى بدایت محکمه سی ریاست اولیسی
جانبندن اعطا بیوریلان قراره توفیقاً تحت حظه
التمش اولقله تاریخ اعلانندن اعتباراً اون بش
کون صکره بالمزایده فروخته تشبث اولنه جنى
بك اوغلى بدایت محکمه سی اجرا مأموریتی
جانبندن اعلان اولتور .

فی ۱۷ حزیران سنه ۳۱۲

مفردیج اساسیان و طریقون بصمه جیدیس
افندیلرک ابو بده کچوک کویده ساکن قسطنی ولد

علی کسی ذمتنده الاجنی اولان مبالغ معلومه نك.
تأمين استيفاسی چون مدیون مرقومك ایا صوفیه ده
یره بطان محله سنده صفوق چشمه جاده سنده واقع
تخمیناً طقسان سکز آرشون عرصه اوزرینه مبنی
اوچ اوطالی و اونبر نومرولی بر باب قصاص
دكانك تاریخ اعلانندن اعتباراً اون بش کون
صکره بالمزایده فروخته تشبث اولنه جنی
درسماعات اعلامات نظامیه اجرا دائره سندن
اعلان اولنور.

فی ۱۷ حزیران سنه ۳۱۲

سنان محله سنده تکفور طاغی اسکله سنده اون اوچ
واون بش و اون یدی و اون طقوز نومرولی
ویوز اون بیك غروش قیمتلو املاک دوت
حصه دن اوچ حصه سنك دوت حصه اعتبار یله
بر حصه سی وقصور بر حصه نك بش حصه اعتبار یله
بر حصه سی التمش بر کون اجرا قلنان مزایده علیه
نتیجه سنده ایرای عثمانی یوز غروش حساب یله یدی
بیك بش یوز غروش شده طالبی عهده سنده تقرر
ایتمش و مدتک انقضاسنه مبنی موقتاً قرار قطعیمی
کشیده قلنمش اولدیغندن تاریخ اعلانندن اعتباراً
اوتوز بر کونه قدر یوزده بش ضمه طاب
اولنلرک ودها ز یاده معلومات المق استیابانلرک
بی اظهاریله برابر مدت مذکوره ظرفنده اجرا
دائره سنه مراجعت ایتملی اعلان اولنور.

فی ۱۸ حزیران سنه ۳۱۲

آر په جی مرتضا افانك درسماعات بدایت
محکمه سندن استیصال ایلدیکی اعلام موجبجه
قنطار جیلرده دوه اوغلی یقوشنده ذخیره تجارتندن
واصف بك ذمتنده محکوم به الاجنی اولان
معلوم المقدار مبالغك تأمين تسویه سی چون مومی
البهك منصرف اولدی بی قبان دقیق خارجنده یاوز